

Erindisbréf fræðslumála- og æskulýðsráðs Bolungarvíkurkaupstaðar

1.gr.

Fræðslu- og æskulýðsmálaráð, sem starfar samkvæmt V. kafla sveitarstjórnarlaga nr. 138/2011 telst til fastanefnda Bolungarvíkurkaupstaðar. Fræðslu- og æskulýðsmálaráð fer með verkefni skólanefndar skv. lögum um grunnskóla nr. 91/2008, nefndar um málefni leikskóla skv. lögum um leikskóla nr. 90/2008 og skólanefndar skv. lögum um fjárhagslegan stuðning við tónlistarskóla nr. 75/1985. Ráðið fer einnig með málefni æskulýðsmála skv. æskulýðslögum nr. 70/2007 m.s.b., málefni íþróttalaga nr. 64/1998, málefni íþróttamannvirkja, félagsmiðstöðvar og heildagsskóla. Fræðslu- og æskulýðsmálaráð skal starfa í samræmi við þau lög sem um það gilda, samþykktir Bolungarvíkurkaupstaðar og erindisbréf þetta.

2.gr.

Erindisbréf þetta byggir að auki á ákvæðum stjórnarsýslulaga nr. 37/1993 og eftir atvikum ákveðum annara laga og reglugerða sem ná til málaflokka fræðslu- og æskulýðsmála. Fræðslu- og æskulýðsmálaráð skal við undirbúning mála og stjórnvaldsákvarðana gæta þess að farið sé að stjórnarsýslulögum og reglum um vandaða stjórnarsýslu.

Ef það er misræmi milli efnis erindisbréfs, annars vegar, og laga, reglna og samþykktar Bolungarvíkurkaupstaðar, hins vegar, skulu hinar síðarnefndu reglur gilda.

3.gr.

Fræðslu- og æskulýðsmálaráð Bolungarvíkurkaupstaðar er kosið af bæjarstjórn Bolungarvíkurkaupstaðar. Fræðslu- og æskulýðsmálaráð er skipað fimm fulltrúum og jafn mörgum til vara í samræmi við B1 lið 46.gr. samþykktar um stjórn Bolungarvíkurkaupstaðar. Bæjarstjórn kýs formann fræðslu- og æskulýðsmálaráðs.

4. gr.

Formaður undirbýr og boðar fundi ráðsins. Bæjarstjóri ber ábyrgð á að samþykktum og ákvörðunum ráðsins sé hrint í framkvæmd. Skólastjóri grunnskóla, leikskólastjóri, skólastjóri tónlistarskóla, fulltrúar kennara og fulltrúar foreldra eiga rétt á að sitja fundi ráðsins með málfrelsi og tillögurétt, þegar mál sem undir þeirra starfssvið heyra eru til umræðu. Það sama gildir um forstöðumenn íþróttamiðstöðvar og félagsmiðstöðvar.

5.gr

Fræðslu- og æskulýðsmálaráð hefur yfirumsjón með fræðslu- og æskulýðsmálum Bolungarvíkurkaupstaðar. Fræðslu- og æskulýðsmálaráð vinnur að markmiðum sínum með stefnumótandi samþykktum og ákvörðunum sem taka mið af samþykkttri stefnu ráðsins og bæjarstjórnar í málefnum varðandi fræðslu- og æskulýðsmál.

Bæjarráð úthlutar fjárhagsramma til ráðsins vegna fjárhagsáætlunar fyrir hvert starfsár.

6. gr.

Fræðslu- og æskulýðsmálaráð gerir tillögur til bæjarstjórnar um stefnumörkun á sviði fræðslu- og æskulýðsmála Bolungarvíkurkaupstaðar. Ráðið vinnur að því að deildir og stofnanir á þess vegum vinni að settum markmiðum, starfsmenn veiti góða þjónustu og að starfsemin sé skilvirk og hagkvæm.

7. gr.

Hlutverk ráðsins er:

- Meginhlutverk fræðslumála- og æskulýðsráðs felst í stefnumótun á sviðum fræðslu-, íþróttar-, og æskulýðsmála á vegum sveitarfélagsins.
- að vera bæjarstjórn til ráðgjafar í fræðslu-, íþróttar-, æskulýðs-, og forvarnarmálum.
- Eftirfylgni og endurskoðun skólafélags Bolungarvíkurkaupstaðar,
- að gera tillögur til bæjarstjórnar um markmið í fræðslustarfi auk íþróttar- og æskulýðsmála á vegum sveitarfélagsins,
- að hafa eftirlit með því að samþykkt markmið bæjarstjórnar í fræðslu-, íþróttar- og æskulýðsmálum nái fram að ganga,
- að hafa eftirlit með því að ákvæði laga séu haldin,
- að starfa með forstöðumönnum og gera tillögur um úrbætur í fræðslumálum sem og á sviðum íþróttar- og æskulýðsmála,
- að sjá um að öll skólaskyld börn í sveitarfélaginu njóti lögboðinnar fræðslu,
- að fylgjast með þörf fyrir leikskólapláss í sveitarfélaginu,
- að vera bæjarstjórn til ráðgjafar um nýtingu og rekstur félagsmiðstöðvar og íþróttamannvirkja og um skipulagt frístundastarf á vegum sveitarfélagsins,
- að leitast við að hafa gott samstarf við þau félagasamtök sem starfa á málavæðingunni ráðsins, með það að leiðarljósi að efla starf þessara félagasamtaka,
- Kjör á íþróttamanni ársins skv. reglum ráðsins þess efnis.

8.gr.

Fulltrúa er skylt að sækja alla fundi nema um lögsmæt forföll sé að ræða, svo sem önnur brýn skyldustörf eða veikindi. Geti fulltrúi ekki sótt fund skal hann boða varamann í sinn stað.

Fundir skulu haldnir að minnsta kosti einu sinni í mánuði eða oftar ef þurfa þykir. Formaður ráðsins hefur vald til að taka ákvörðun um að fella niður fund ef hún byggir á málefnalegum ástæðum. Til fundar telst löglega boðað hafi allir atkvæðisbærir fulltrúar og/eða varamenn í forföllum aðalmanna svo aðrir sem seturétt eiga á fundinum, verið boðaðir með að minnsta kosti tveggja sólarhringa fyrirvara með skriflegri dagskrá.

Komi upp mál sem krefst skjótrar úrlausnar ráðsins getur fyrirvari um boðun verið skemmri. Heimilt er að taka mál til meðferðar í ráðinu þótt það sé ekki tilgreint í dagskrá en það skal tilkynna í upphafi fundar. Þó er skylt að fresta afgreiðslu slíks máls ef einhver ráðsmanna óskar þess.

Fundur er lögmætur ef löglega er til hans boðað og meira en helmingur atkvæðisbærra fulltrúa er mættur á fundinn. Ráðið getur enga bindandi ályktun gert nema fundur sé lögmætur.

9. gr.

Um fundarsköp og málsmeðferð í fræðslu- og æskulýðsmálaráði fer eftir sem við á samkvæmt III. kafla samþykktar um stjórn Bolungarvíkurkaupstaðar.

Formaður ráðsins stýrir fundum þess. Fundir ráðsins skulu jafnan haldnir fyrir luktum dyrum. Ráðið getur boðið á sinn fund einstaka starfsmenn bæjarins sem og aðra til viðræðna um einstaka mál.

Fulltrúar skulu gæta trúnaðar um það sem þeir verða áskynja í starfi ráðsins og leynt á að fara samkvæmt lögum eða eðli máls. Þagnarskylda helst þó látið sé af þessum störfum. Ákvæði þetta á einnig við um aðra fundarmenn.

Fræðslu- og æskulýðsmálaráð skal á fundum sínum taka fyrir þau erindi sem berast, fjalla um þau og gera tillögur um afgreiðslu þeirra til bærarstjórnar. Á fundum er mál afgreitt með því að samþykkja það eða fella, vísa því frá eða vísa því til afgreiðslu bæjarráðs, bærarstjórnar eða til bærarstjóra.

Fræðslu- og æskulýðsmálaráði er heimilt að fresta afgreiðslu máls nema um sé að ræða mál sem að lögum ber að afgreiða fyrir tiltekinn tíma. Ráðið getur vísað málum til umsagnar annara nefnda, ráða eða annara aðila.

Fulltrúi á rétt á að fá bókaða stutta athugasemd um afstöðu sína til máls, sem til meðferðar er í ráðinu. Fræðslu- og æskulýðsmálaráð kemur ákvörðunum sínum og stefnumótun í framkvæmd með formlegum samþykktum á lögmætum fundum. Formaður eða aðrir fulltrúar Fræðslu- og æskulýðsmálaráðs skulu snúa sér til bærarstjóra með eftirfylgni staðfesta samþykktá ráðsins.

10. gr.

Ráðið skal halda fundargerðabók og ritari skal færa fundargerð í fundargerðabók. Um ritun fundargerðar gilda sömu reglur og um ritun fundargerða bærarstjórnar, sbr. 16. gr. samþykktar um stjórn Bolungarvíkur.

Fundargerðir Fræðslu- og æskulýðsmálaráðs þarfnast staðfestingar bærarstjórnar Bolungarvíkur til að teljast gildar. Fundargerðir ráðsins skulu teknar á dagskrá bærarstjórnar og

skal það gert svo fljótt sem unnt er að afloknum fundi. Ef fundargerðir innihalda ekki ályktanir eða tillögur sem þarfnast sérstakrar staðfestingar bæjarstjórnar eru fundargerðir lagðar fram til kynningar.

11.gr.

Fræðslu- og æskulýðsmálaráð skal í allri sinni ákvarðanatöku hafa hagsmuni allra íbúa að leiðarljósi. Það leggur þær skyldur á fulltrúa í ráðinu að setja ávallt almannahagsmuni ofar sérhagsmunum, hvort heldur sínum eigin eða einstakra hópa er þeir tengjast eða tilheyra.

Fulltrúi hefur ekki atkvæðisrétt um mál sem varða hann sjálfan eða náð skyldmenni hans og skal hann í slíkum tilvikum víkja af fundi. Um hæfi fulltrúa og starfsmanna fræðslu- og æskulýðsmálaráðs er vísað til 20. gr. sveitarstjórnarlaga nr. 138/2011, sbr. II. kafla stjórnsýslulaga nr. 37/1993 og 17. gr. samþykktar um stjórn Bolungarvíkurkaupstaðar.

12.gr.

Fræðslu- og æskulýðsmálaráð hlutast ekki um daglegan rekstur og starfsemi þeirra stofnana sem heyra undir ábyrgðar- og eftirlitssvið ráðsins. Fræðslu- og æskulýðsmálaráð hefur umsjón með framkvæmdastjórn þeirra stofnana sem undir ráðið heyrar.

Ráðið hefur ekki boðvald yfir starfsfólki stofnana. Ráðið skal fjalla um umsóknir og gefur rökstudda umsögn til bæjarstjórnar vegna ráðningar forstöðumanna. Ákvörðun ráðningar annara starfsmanna er á ábyrgð og í valdi viðkomandi forstöðumanns.

13.gr

Undir fræðslu- og æskulýðsmálaráð tilheyrir ungmennaráð. Fundargerðir ungmennaráðs skulu lagðar fyrir fræðslu- og æskulýðsmálaráð áður en þær fá fullnaðarafgreiðslu í bæjarstjórn. Fræðslu- og æskulýðsmálaráð leitar til ungmennaráðs í öllum málum er varða ungmenni.

14. gr.

Erindisbréf þetta hefur verið samþykkt í bæjarstjórn Bolungarvíkur og tekur gildi þann

11. mars 2025.